

128. FITXA ARABA - Arabako Lurralde Historikoan biohondakinen bilketa eta kudeaketa sustatzeko 2025 eta 2026rako dirulaguntzak

Nori zuzendua: Arabako Lurralde Historikoko 50.000 biztanle baino gutxiagoko udal edo kuadrillak, eta beste pertsona juridiko batzuk, esaterako partzuergoak, Arabako Lurralde Historikoko udal bate edo gehiago badituzte eta egoitza soziala Araban badute.

Sarbide-esteka: [Erregistro Elektroniko Komuna - egoitza](#)

Erreferentziazko araudia: [213/2025 Erabakia, apirilaren 15ekoa, Foru Gobernu Kontseiluarena. Onespena ematea Arabako Lurralde Historikoan biohondakinen bilketa eta kudeaketa sustatzeko 2025 eta 2026rako dirulaguntza lerroaren deialdiari](#)

Eremuak: Hondakin-kudeaketa

Zenbatekoa: 260.000 €

Eskabideak aurkezteko epea: 2025/06/04

Laburpena

Deialdi honen xedea da Arabako Lurralde Historikoan **biohondakinen bilketa eta kudeaketa sustatzeko** dirulaguntzak norgehiagoka bidez ematea arautzea.

Diruz lagundu daitezkeen jarduerak

- 1. mota:** materia organikoa (janari eta sukalde hondakinak) edukiontzien bidez bereizita biltzea eta kudeatzea.
- 2. mota:** materia organikoa (janari eta sukalde hondakinak) konpostajearen bidez biltzea eta kudeatzea.
- 3. mota:** landare hondakinak (landare hondakin biodegradagarriak) biltzea eta tokian-tokian kudeatzea.
- 4. mota:** plangintzako azterlanak, proiektuak eta dokumentuak egitea.
- 5. mota:** tokiko erakundeen ordenantzak etxeko hondakinen arloan egokitzea.

Diruz lagundu daitezkeen gastuak

A. Baliabide materialak eta egokitze-obra.

- a) Konpost ontziak.
- b) Egituratzailerak lortzeko birrintzailerak.
- c) Biohondakinak biltzeko ibilgailuak.
- d) Konpostaje prozesuekin loturiko makineria.
- e) Hondakin organikoak bereizita biltzeko edukiontzia.
- f) Poltsa konpostagarriak, etxeko ontziak herritarrentzat eta ontzi handiagoak merkataritza eta ostalaritzako establezimenduentzat eta hiriko hondakinekin pareka daitezkeen biohondakinak sortzen dituztenentzat.
- g) Giltza edo txartel pertsonalizatuak, hondakin organikoen edota errefusaren edukiontzia ireki ahal izateko.
- h) Biohondakinekin loturiko prozesuekin zerikusia duten informatika-tresnak.
- i) Eskala txikiko konpostaje instalazioak.
- j) Komunitate konpostajerako eremuak egokitzea.
- k) Tokian-tokian kudeatzeko inausketa eta lorezaintza hondarrak biltzeko eremuak egokitzea.
- l) Dirulaguntzaren xede den jarduerarekin zuzenean lotutako beste edozein bitarteko material edo egokitzapen obra.

B. Biohondakinen bilketa eta kudeaketa ezartzeko, haren berri emateko eta haren jarraipena egiteko prebentzio eta sentsibilizazio kanpainak.

C. Kanpoko laguntza teknikoa, planak, azterlanak eta proiektuak egiteko, baita biohondakinen bilketa bereizita eta kudeaketa ezartzeko eta haren jarraipena egiteko moduari buruzko aholkularitza emateko ere.

D. Kanpoko laguntza teknikoa, aholkularitza eman, dokumentuak idatzi eta laguntza emateko, udal ordenantzak Ekonomia Zirkularrerako Hondakinei eta Lurzoru Kutsatuei buruzko apirilaren 8ko 7/2022 Legea egokitzeko prozesuan.

E. Biohondakinak kudeatzeko instalazioen ustiapenarekin eta mantentze lanekin loturiko zerbitzu lagungarrien kontratazioa.

Gastuetarako aldi hautagarria

Deialdi honetan, dirulaguntza jaso ahal izango dute **2025eko urtarrilaren 1etik 2026ko abenduaren 1era** bitartean gauzatutako jardunek, honako ohar hauek kontuan hartuta:

- a) Entitateek beren ekintzak ekitaldi bakar batean (2025 edo 2026) edo modu jarraituan bietan (2025-2026) antolatu eta gauzatu ahal izango dituzte, baina kontuan hartuta eskatzaile bakoitzak ekitaldi bakoitzean programatutakoaren arabera proposatuko dela dirulaguntza eta, era berean, ekitaldi bakoitzean gauzatutakoa ordainduko dela.
- b) 2025eko abenduaren 1 baino lehenago gauzatu beharko dira eskatzaile bakoitzak 2025eko urterokoan aurreikusitako gastuak, eta 2026ko abenduaren 1a baino lehenago 2026ko urterokoari dagozkionak.
- c) a) eta b) apartatuetan azaldutakoaren arabera, ez da epea luzatuko 2025eko ekitaldirako aurreikusita eta aurrekontuan jasota egon arren aurreikusitako epeetan gauzatu eta zuritu ez

diren ekintzen kasuan, eta 2026ko ekitaldira ere ez dira luzatuko.

2025eko ordainketak egiteko eskatzen den dokumentazioa 2025eko abenduaren 1erako aurkeztu behar da, eta 2026ko ordainketak egiteko, 2026ko abenduaren 1erako.